

Agathe Fontain

Inuit Ataqatigii

J.nr. 01.25

### Pineqarpoq.: § 36 Nuuk Kommunianik nakkutilliineq pillugu apeqqut

Ulloq 22. januar 2008, inatsisartunut ilaasortaq Agathe Fontain § 36 stk. 1 tunngaviga-lugu inatsisartut Nuup kommunia nakkutilliisussaatitaanera pillugu apeqquteqarpoq

Postboks 260  
3900 Nuuk  
Oq/tel +299 34 50 00  
Fax +299 32 45 47  
[ilapi@gh.gl](mailto:ilapi@gh.gl)  
[www.nanoq.gl/ilapi](http://www.nanoq.gl/ilapi)

Makkulu ilisimatitsissutigineqassapput:

Namminersornerullutik Oqartussat Peqqussutaat nr. 6. 16. Februaari 2006-meersoq tunngavigalugu naalakkersuisut pisussaapput kommunit isumaginninnermut inatsisit aam-malu malittarisassat atuuttut tunngavigalugit kommunit ingerlatsineranik nakkutilliissallu-tik, taassuma ataani aamma meeqqanut inuuusuttuaqqanullu suliassat pillugit. Nakkutilli-neq pissaaq minnerpaamik kommunalbestyrelsit qinigaaffiisa iluani ataasiarlutik.

Naalakkersuisut kingullermik Nuuk Kommunianut nakkutilliippot upernaakkut 2006-mi

2006 upernaakkut Nuuk kommunianut nakkutilliinermi tamakkiisumik maluginiarneqarpoq meeqqat inuuusuttuaqqallu sullinneqarnerat pitsaasumik ingerlasoq, kisiannili pasitsaan-neqarluni sulianut tunngassutillet malinnaatinneqanngitsut.

Taassuma saniatigut paasineqarpoq annertuumik meeqqat inissinneqarsimasut pillugit iliuusissatut pilersaarutit amigaataasut. Iliuusissatut pilersaarutit ilaatigut pigineqanngivit-tarput pigineqaraangamillu amigaateqartarlutik.

Angajoqqaarsianut tunngasoq pillugu, ilaqtariinnermut pisortaqarfimmuit piareersaasar-nermi suliat pitsaasumik ingerlanneqarput, tassani tarnip pissusaanik ilinniarsimasumik aggersaasoqarsimavoq angajoqqaarsiassanik naliliisussamik, aammalu ilaquaasut iller-suisoqarnissaat neqeroorutaalluni, malittarisassat atuuttut malillugit.

Ilaqtariinnermut Pisortaqarfik aamma assersuutissanik allanik naammattuugaqarpoq su-lianut tunngatillugu amigaataasunik, uani meeraq angajoqqaarsianut inissinneqarsimal-luni allagartaqanngitsumik. Nalileeqqinnissamullu malittarisassat aamma malinneqarsi-manatik.

Nuuk kommunianut erseqqissaatigineqarsimavoq, meeqqat inuuusuttuaqqallu immikkoortoqtaqarfiani sullissinermi iliuusissatut pilersaarutit aqunneqarnerusariaqartut. Nuup Kommunia paasinnilluarpooq, aammalu Ilaqtariinnermut Pisortaqarfimmuit nalunaarluni, tamatumap tamakkiisumik sulissutigineqarnissaa anguniassallugu.

Pilersaarutaavoq Nuup kommunia nakkutilliilluni pulaarneqaqqissasoq ulloq 5. februaari 2008, immikkut misissuiffigineqassallutik meeqqat angajoqqaarsianut inissinneqarsimasut.

Inussiarnersumik inuullaqquqsisillunga

Arkalo Abelsen

Ilaqtariinnermut Peqqissutsimullu naalakkersuisoq